



PEPERIKSAAN PERCUBAAN SPM

Bahasa Melayu

Kertas 1

2 jam

1103/1

JANGAN BUKA KERTAS PEPERIKSAN INI SEHINGGA DIBERITAHU

- 1. Kertas peperiksaan ini mengandungi dua bahagian: Bahagian A dan Bahagian B.*
- 2. Jawapan hendaklah ditulis di dalam buku jawapan yang disediakan.*
- 3. Jawapan boleh ditulis dalam tulisan Rumi atau Jawi.*
- 4. Buku jawapan hendaklah diserahkan kepada pengawas peperiksaan pada akhir peperiksaan.*
- 5. Calon yang didapati meniru boleh dikenakan tindakan tatatertib.*

Kertas peperiksaan ini mengandungi 4 halaman bercetak.

Bahagian A

[30 markah]

Soalan ini mesti dijawab.

Petikan dan grafik di bawah menunjukkan maklumat berkaitan alam pekerjaan. Berdasarkan maklumat tersebut, huraikan pendapat anda tentang alam pekerjaan dalam kalangan remaja.

Panjangnya huraian anda hendaklah antara 150 hingga 200 patah perkataan.



Alam pekerjaan merupakan suatu fasa dalam kehidupan yang sangat penting dalam kehidupan masyarakat. Melalui pekerjaan yang diceburi, seseorang itu dapat menyara kehidupan diri, keluarga dan menyumbang kepada kemajuan ekonomi negara dan juga agama.



Bahagian B

[70 markah]

Bahagian ini mengandungi empat soalan. Jawab satu soalan.

Tulis sebuah karangan yang panjangnya antara 350 hingga 500 patah perkataan.

- 1 **Merdeka! Merdeka! Merdeka.** Teriakan suara hangat, suara penuh semangat, suara keramat yang keluar daripada jiwa yang merdeka. Zaman dulu-dulu, ketika nenek moyang kita menyebut serta melafazkan perkataan ini dengan suara bergetar yang mempunyai rasa dalam jiwa kerana berasa sangat-sangat terharu, sangat gembira dan sangat bersyukur. Kini bagaimana perasaan kita apabila perkataan merdeka ini disebut atau dilafazkan? Adakah kita berasa terharu? Adakah kita berasa bersyukur? Atau paling tidak, adakah kita rasa bangga?

(Dipetik daripada
‘Semangat patriotisme perlu dijiwai, bukan sekadar simbolik’,
oleh Dr Ahmad Zaharuddin Sani Ahmad Sabri,
BH Online, 18 September 2014)

Berdasarkan petikan ini, teriakan merdeka mempunyai makna yang mendalam bagi masyarakat terdahulu, tetapi kini anak-anak muda sekarang kurang menghayati ungkapan merdeka ini.

Bincangkan **langkah-langkah** menyemarakkan semangat patriotik dalam diri generasi muda kini.

- 2 Data terkini mendedahkan bahawa hampir 50% pelajar lepasan Sijil Pelajaran Malaysia (SPM) dari sesi persekolahan 2021 telah memilih untuk tidak melanjutkan pelajaran ke peringkat tinggi. Kos sara hidup yang tinggi perlu ditanggung oleh pelajar dan keluarga sepanjang pengajian menjadi punca utama berlakunya kemerosotan minat mereka untuk melanjutkan pengajian. Selain itu, ramai juga pelajar berkeinginan untuk berdikari dan membina peluang untuk menjana pendapatan sendiri. Kurangnya keyakinan terhadap impak serta manfaat jangka masa panjang selepas melanjutkan pengajian turut mempengaruhi keputusan mereka.

Sumber: <https://berita.rtm.gov.my>

Berdasarkan petikan di atas, huraikan **faktor-faktor** yang menyebabkan pelajar memilih untuk berhenti belajar.

- 3 Terdapat pelbagai faktor yang menyebabkan seseorang calon gagal dalam temu duga kerana prestasi semasa proses temu duga kurang memuaskan. Hal ini disebabkan oleh calon tidak membuat persediaan dari segi mental dan fizikal dan tiada pengetahuan berkaitan jawatan yang dimohon. Selain itu, tidak dapat mengemukakan dokumen yang lengkap semasa proses temu duga juga menyebabkan masalah ini berlaku.

Sumber: <https://spa.gov.my>

Berdasarkan petikan di atas, terdapat pelbagai faktor yang menyebabkan individu gagal dalam temu duga.

Beri komen anda.

- 4 Sebagai jiran yang baik seseorang itu seharusnya mengenali siapa yang tinggal di kiri, kanan, belakang, hadapan dan juga sekitar rumahnya. Melalui kaedah ini, seseorang itu akan lebih peka dengan masalah dan situasi yang dihadapi oleh jiran. Kesusahan yang ditanggung oleh jiran mereka hendaklah dibantu semampu mungkin. Pertolongan yang diberikan akan memberikan seribu rahmat kepada mereka yang berada dalam kesusahan.

Diubah suai daripada
‘Kita Saling Memerlukan’
<https://www.hmetro.com.my>
6 Sept 2023

Sebagai respons terhadap petikan di atas, semangat kejiiran perlu diperkukuh dalam kalangan masyarakat.

Jelaskan **manfaat-manfaat** yang diperoleh oleh seseorang yang mengamalkan semangat kejiiran dengan baik.

KERTAS PEPERIKSAAN TAMAT